

ՄԻՄԵՈՆ ԿԱԹՈՂԻԿՈՍ ԵՐԵՎԱՆՅԻ

ՔԱՐՈՉ՝ ՔՐԻՍՏՈՍԻ ՔԱՌԱՄՆԵՐՈՐԴ ՕՐԸ
ԵՐՈՒՍԱՂԵՄԻ ՏՆՃԱՐ ԳԱԼՈՒ ՄԱՍԻՆ

«Երբ նրա սրբազորման օրերը լրացան, նրան տարան Երուսաղեմ՝ Տիրուջը ներկայացնելու Համար» /Ղուկ. Բ 22 /:

Աստծու հրամանով Մովսեսն Իսրայելին օրենք տվեց, թե՝ «Երբ կլինը ծնում է. պետք է տանը յոթ օր նստի. ոչ մի մաքուր բանի ձեռք չտա, իսկ յոթ օր հետո գոհեցնով պիտի գնա սրբարան և ֆառանայի ձեռքով մաքրվի»/հմմտ. Ղևտ. ԺԲ /: Այն պատճառով է, որ մանեղանների դին անմաքուր է համարվում, և, համաձայն նրանց օրենքի, որ երբ դիպչում էին մեռածների մարմնին, ժողովրդից դուրս էին մնում մեկ օր՝ չմոտենալով սրբարանին: Մահացած մանկան մարմինը յոթ օր պահվում էր մոր մոտ: Հաստատվեց նաև այն, թե յոթ օր պիտի պահվի, հետո՝ մաքրվի: Ուրեմն Քրիստոս և /իր/մայր Մարիամը թեև անմեղ էին և կարիք չունեին օրենքի/հղանալը, հոգևորվելը և աստվածանալը համաժամանակ էր, քանի որ հղությունը անսերմ էր և անապական, իսկ հղացումը իսկապես կենդանություն /: Քրիստոս /չէր եկել խափանելու/օրենքը/, այլ լրացնելու: Այն իրագործեց՝ վերցնելով օրենքի ծանրությունը, որ տվեց թերիներին և այն կատարողներին: Այա ասաց. «Եկե՛ք ինձ մոտ բոլոր կարոտյալներդ..., քաղցր է լուծն իմ»/հմմտ. Մատթ. ԺԱ 28-30 /: Իսկ ըստ Պողոսի՝ «Ինչ որ անհնար էր օրենքին, որ /մարմնի պատճառով / տկարացնում էր, Աստված /հնարավոր դարձրեց /՝ առաքելով իր Որդուն» /Հռոմ. Ը 3 /: Մտավ օրենքի մեջ, որպեսզի արդարացվեն նրանք, ովքեր օրենքի տակ են: Եվ սրա համար հանձն առավ տանար գնալ՝ իր հաստատած օրենքն իրականացնելու: Այնուհետև կատարվելու է այն օրենքը, թե՝ «Ամեն արու զավակ, որ արգանդ է բացում, /Տիրոջ համար / սուրբ պիտի կոչվի» /Ղուկ. Բ 23 /: Իսկ եգիպտոսում, երբ Աստված գոհեց եգիպտացիների անդրանիկներին և խնամեց իսրայելացիներին, օրենք հաստատեց, թե՝ «Իսրայելի բոլոր անդրանիկ զավակներին՝ մարդ թե անասուն, ինձ նվիրաբերիր, որովհետև իմն են» /Ելք. ԺԲ 2 /: Եթե Քրիստոս ժամանակավոր մոր և հավիտենականության մեջ Հոր անդրանիկ զավակն էր, ապա եկավ տանար Հայր Աստծուն նվիրաբերվելու, որպեսզի այդ օրենքը ևս իրագործվի:

Այա հաշտության և խաղաղության միջնորդ էր լինելու Հայր Աստծու և մարդու միջև, ուստի մեր /մարդկային / բնությունից իբրև անաբատ ընծա նվիրաբերվեց Հորը, որպեսզի մեզ հետ հաշտեցնի, և ինքն իբրև գլուխ՝ ինքն իրեն, և մեզ, որպես իր անդամները, պիտի ընծայի Հորը: Ըստ այնմ, թե մտավ աննյութեղեն օրենքով: Մարդկության կողմից ընծայվեց որպես մարդ, իսկ Աստծու կողմից՝ Աստված: Այնուհետև Եգիպտոսի մարգարեությունը պիտի

կատարվի՝ բացելով տաճարի փակված դուռը, որը մարդուն նշան էր երկնքից, և որը բացվեց Քրիստոսով: Դրա համար ասում է. «Նրա սրբագործման օրերը լրացան»/Ղուկ. Բ 22/: Ուրեմն, մենք ամեն տարի այս օրը փառավորում, օրհնում և տոնում ենք Քրիստոսի գալուստը տաճար, ֆանի որ մեզ համար բարերարություններ և ռեալիզացիաներ են: Ազատեց օրհնելի ծանրությունից և տկարությունից՝ կոչելով այն կատարյալ ու թեթև օրհնել: Որպես բարձրյալ և անդրանիկ զավակ՝ մեզ ընծայեց Հայր Աստծուն և հաշտեցրեց նրա հետ: Բացեց երկնքի դուռը, որ փակված էր մեր առաջ, և հրավիրեց մեզ այնտեղ: Բայց այս հին մովսեսադիր տոնը հուշակվեց կենդանիների պատարագ, ըստ այնմ՝ «Տալ զալյգ տատրակներն իրրև զոն, կամ աղավնու երկու ծագեք»/Ղուկ. Բ 24/: Առանց հրի լույս է հիշվում, ըստ այնմ/խոսքի/՝ «Որպես լույս եայտնվեցիր հեթանոսների մեջ»: Բառը ջախքում է մոմերով դուռն էին զալիս դիմավորելու: Բայց մեր քրիստոսադիր տոնը այդպիսի անբան զոհերի փոխարեն հանդիսավոր հրավառությամբ ունի: Որի պատճառն այն է, ինչպես ասացինք, «Քրիստոս եկավ թերի մեզանք օրհնել լրացնելու»/Մատթ. Ե 17/: Իսկ մեր այս նոր տոնը այն կենդանական, անբանական և անկատար զոհը փոխարինեց նշմարիտ Աստվածային և կատարյալ պատարագով: Մենք հրավառություն է լույսը, ըստ Տիրոջ/խոսքի/՝ «Եկա երկրի վրա կրակ գցելու»/Ղուկ. ԺԲ 49/, ֆանի որ կրակն ունի լույս և հուր: Այսպես Քրիստոս և՛ լույս է, և՛ հուր: Արժանիներին լույս և կյանք է, իսկ անարժաններին՝ հուր և տանջանք: Որի համար և մեզ կրակն ավանդվեց, որովհետև երկուսն էլ հաստատվելու են: Այն տոնի օրը կրակը երկու մասի է բաժանվելու, լույսն առանց այրելու, և կրակի բոցն առանց լույսի: Լույսն արդարների համար է, իսկ այրող բոցը, որը սոսկ կրակ է՝ մեղավորների: Ըստ այնմ Տիրոջ ծայր կրակի մեջ բաժանում է բոցը:

Ուրեմն և մենք այս տոնին անասուններին զոհելու փոխարեն նշմարիտ և անարատ Քրիստոսի պատարագն ենք մատուցում և, որպես միջնորդ ունենալով Մարիամի անքիծ տառակը՝ լույսը ձեռքում և կրակը առջևում, մոտենում ենք երկնավոր Հորը և խնդրում, որպեսզի փրկի կրակից և լույսին արժանացնի: Հրաշափառ այս տոնին հիշատակվում է նաև երանելի Սիմեոն ծերունին, ինչպես Ավետարանն է ասում. «Մի մարդ կար երուսաղիմում, որի անունն էր Սիմեոն, որն արդար էր և Աստվածավախ»/Ղուկ. Բ 25/:

Առաջյալների և մարգարեների խոսքն Աստծու խոսքն էր, ինչպես Աստվածաշունչն է ասում՝ «Խոսում էին Աստծուց ստացած և Նրանից ներշնչված»: Ըստ Պաղոսի՝ «Մեր խոսքը մարդու խոսք չէ, այլ նշմարիտ Աստծու խոսք»: Դրա համար նրանից գովաբանվածը Աստծուց է, ինչպես ասում է. «Այրն արդար էր....», և այլն: Թեպետ Աղամից հետո եղան արդարներ, ինչպես Նոյը, Աբրահամը և այլն, որոնք Սուրբ Հոգու ազդեցությամբ իմանալով Քրիստոսի գալուստը և նրա փրկությունը՝ փափագում էին տեսնել, բայց չկարողացան տեսնել, ըստ այնմ խոսքի, թե՛ «Քեզ են սպասում արդարները»: Իսկ սա/Սիմեոնը/ցանկացավ տեսնել և տեսավ, ըստ այնմ, թե՛ «Տեսան իմ աչքերը քո փրկությունը»/Ղուկ. Բ 30/: Նույն Հոգին, որ նրանց մոտի վրա էր ազդում, քննված էր նրա/Սիմեոնի/ մեջ, ըստ այնմ, «Հոգին սուրբ էր նրա մեջ»/Ղուկ. Բ 25/: Այս Հոգին, որ Քրիստոսի գալուց առաջ միայն միթաքարի էր համարվում, խոստացավ Սիմեոնին, թե՛ «Մահ չես տեսնի, մինչև տեսնես նրան»/Ղուկ. Բ 28/, /ասում է, հրաման էր ստացել Սուրբ

Հոգուց /: Հասնելով Եսայիի այն խոսքին, թե՝ «Ահա կույսը կեղիանա և որդի կծնի», սրտի խորքից հառաչանքով ասում է. «Երանի՛ այն ժամանակին, երբ այս կլինի, և երանի՛ այն աչքերին, որ տեսնելու են»:

Այսօր ֆառասթորյա կուսածին մանուկ Հիսուս եկավ տանար: Հոգին ավետում էր նրան /Սիմեոնին/, թե արի՛ և տե՛ս ի՞նչ փափագածին: Ինչպես որ Գիրքն է ասում. «Հոգով տանար եկավ» /Դուկ. Բ 27/:

Նոյը ևս արդար էր. ըստ այն խոսքի, որ վկայեց Աստված, թե՝ «Մարդկային ցեղի մեջ միայն քեզ գտա արդար իմ հանդեպ» /Մենդ. է 1/: Նա կամեցավ տեսնել այս օրը և այս փրկությունը, բայց չտեսավ, ըստ այն խոսքի, թե՝ «Շատ մարգարեներ և արդարներ կամեցան տեսնել և չտեսան»:

Այլ միայն դրա նշանը ամպի մեջ երևացող աղեղն էր: Նոյը կոչվեց երանելի, որովհետև մահվամբ հանգստացրեց նրանց, ովքեր իր ժամանակում էին: Նա՛ եղավ երանելի կենդանիների և մեռելների մեջ՝ ավետարանելով փրկություն և երանություն, համաժայն այն խոսքի, թե՝ «Ուրեմն արձակի՛ր», այսինքն՝ մարդկային ազգի երկրտուխյան կապը ֆանդի՛ր և ստեղծի՛ր /ֆո/ փրկությունը, ֆանի որ «Տեսան իմ աչքերը քեզ՝ Փրկչիդ»: Նա տեսավ աղեղն ամպի մեջ, սա իր գրկում ընդունեց Փրկչին: Նոյն աշխարհի նախահայրն էր՝ ըստ մարմնի, իսկ սա՛՝ ըստ հոգևոր հավատի ընդլայնման: Աստված իր ժամանակում փրկեց Նոյին և բաժանեց նրան ազգերից՝ համաժայն իր բարկության խոսքի, իսկ Սիմեոնին բաժանեց ժամանակից և ազգերից՝ համաժայն իր փրկության խոսքի, «Իմ աչքերը տեսան ի՞նչ փրկությունը»:

Աբրահամը ևս արդար էր: Իսկ Աստված փառավորելու համար Աբրահամից մեծը չգտավ: Նա պահեց Աստծու օրհնքը և Աստծուն բարեկամ կոչվեց: Կամեցավ տեսնել այս փրկությունը, բայց միայն Իսահակի փրկության համար օրպես նշան տեսավ խոյը ըստ այն խոսքի, թե՝ «Ձեր հայր Աբրահամը ցանկացավ տեսնել իմ /աշխարհ գալու/ օրը, տեսավ և ուրախացավ» /Հովհ. Ը 56/: Նա էր ճշմարիտ Փրկչին աշխարհի: Նա ընդունեց իր վրանում, սա՛ իր գրկում: Նրա ավետիքն Իսահակի համար էր, սրանը՝ ողջ սերունդների:

Մովսեսը ևս արդար էր: Նա փարավոնի Աստված անվանվեց այնքան /ժամանակ/, մինչև որ Աստծու հրամանատուն եղավ, ըստ այնմ, թե՝ «Թո՛ւյլ տուր, որպեսզի ննջեմ այնտեղ»: Նաև՝ «Իմ ծառա Մովսեսը հեզ է»: Նա ցանկացավ տեսնել՝ ըստ այն խոսքի. «Քո երեսը ցո՛ւյց տուր ինձ»: Իսկ նրան ասաց, «Իմ երեսը ոչ մեկը չի կարող տեսնել»: Սիմեոնը եղավ ակաճատես, գրկեց ու փրկվեց հոգևոր մահից:

Դավիթը ևս արդար էր. «Ըստ իմ սրտի գտա թավթին, որ կատարելու էր իմ ողջ կամքը»: Նա կամեցավ տեսնել այս փրկությունը, ըստ այնմ, թե՝ «Աստված, իմ անձը ծարավի է քեզ, երբ գաս, երևալու եմ քեզ»: Կամեցող Աստված եկավ Սիմեոնի մոտ և բազմեց նրա գրկում:

Հովնանես /Մկրտիչը/ ևս արդար էր, ֆանի որ արժանի եղավ մկրտելու Տիրոջը: Նա ճանաչեց, տեսավ և վկայեց, թե՝ «Ահա Քրիստոս՝ Գառն Աստծու» /Հովհ. Ա 1/: Բայց նա Քրիստոսից առաջ չէր, այլ /Քրիստոսից/ ժամանակակից, և չվկայեց, մինչև ընդունեց երկնքից վկայություն, ըստ այն խոսքի՝ «Որն ուղարկեց ինձ մկրտելու, նա ասաց ինձ...»: Եվ վկայում էր ծածկաբար. «Այն, որ իմ ետևից է գալու...»: Եվ հրաժարվում էր նրա գլխին ձեռք դնելուց: Սիմեոնը ծեր էր, իսկ Քրիստոս՝ մանուկ: Դեռևս ոչ մեկից չէր վկայվել: Ինքը ծեր էր և մանուկից

փրկություն էր խնդրում. և համարձակությամբ փարզում էր՝ նրան Տեր և Արձակիչ խոստովանելով:

Նրա մայր Մարիամը և հայր Հովսեփը ևս արդար էին, տեսան և ճանաչեցին նրան, բայց հետո ամենից առաջ Սիմեոնը հայտնեց նրա Աստվածությունը: Ավետարանն ասում է. թե՛ «Նրա ծնողները զարմացել էին»/Ղուկ. Բ 33/: Նա/Սիմեոնը/օրհնեց նրա հորն ու մորը և իրեն՝ ըստ Ավետարանի: Այս Սիմեոնը սերովրեցներից ավելի վեհագույն գտնվեց, որովհետև նրանք թեևս փոխադրված ծածկեցին իրենց երեսները, իսկ նա զրկեց և օրհնեց մանկան պես: Նա ավետարանեց կենդանիներին և մեռելներին՝ լինելով ավետարանիչներից առաջ: Դրա համար ասում է. «Ուրեմն արձակի՛ր», այսինքն՝ տեսա, հավատացի և փարզեցի ողջերին: «Ուրեմն արձակի՛ր և հրաման տուր, որպեսզի գնալով մեռելներին ևս փարզեմ և ավետարանեմ: Արձակի՛ր, ով Դու կապող Տեր, ահա տեսա ինչպես կապեցիր, նույնպես և արձակիր, քանի որ քեզ էի սպասում»: Դրա համար է ասում. «Սիմեոնը մի մարդ էր»: Նա հատուկ էր և նմանը չունեցող: Բոլորը զարմացել էին նրա վրա, քանի որ գալիս-անցնում էր մահը, բայց նրան չէր մոտենում: Մեռնում էին որդիներն ու թոռները, իսկ նա կենդանի էր: Սա նշան էր այն քանի, թե՛ «Ով քարճրացներ, նա էր հաստատողը»: Կեցված գիրք էր, ըստ տեսիլի, թե՛ «Ով քացեւ, նրանց էր /լինելու/ թագավորությունը»:

**Գրաբարից թարգմանությունը՝
ՀՐԱՆՏ ՍԱՐԿԱՎՍԳ ՊԵՏՐՈՍՅԱՆԻ**